

տուածային գթութեամբն յարհիական աստիճան բարձրացաւ, զպատշաճաւոր հոգ յանձին կալաք ըստ սրբազան Ժողովոց վճռացն, առաջնորդական պաշտամանս մերում բաւական առնելով, զբարեկարգութենէ եկեղեցեացս մերոց բուն արկանէաք. և քանզի եկեղեցին Աստուծոյ ոչինչ սրբագոյն և գերազանցագոյն ունի քան զսուրբ Խորհուրդս, զորս Քրիստոս Տէրն մեր վասն փրկութեան ազգի մարդկանս սահմանեաց, զգիրքն հասարակաց Մաշտոց կոչեցեալ, յորում կարգն պաշտելոյ զսրբազան Խորհուրդս և զայլ արարողութիւնս կատարելոյ պարունակի, տրամադրել յանձն առաք. զոր ձեռն աստուածաբանից մերոց, եւս առաւել պատուելի Տեառն Ստեփանոսի Ստեփանեան աստուածաբանութեան վարդապետին. զհին ձեռագիր Մաշտոցս ընդ միմեանս բաղդատելով, և իբր զանհուն սխալանս՝ որք ոչ միայն ընդդէմ իմացման աղօթիցն՝ այլ և ընդդէմ իսկ ուղղափառ հաւատոյս մերում սփռեալք էին՝ սրբազրել, և զսրբազրեալն կարգաւ յօրինել, նա և զհարկաւոր խրատան իւրաքանչիւր Խորհրդոցն և տարրողութեանցն յառաջ դնել, և որ ինչ պակասէր ի մեր Մաշտոցն՝ ի հոռվմէականէն՝ հետեւելով շաւղաց նախորդաց մերոց՝ առեալն առադրել ջանացաք։ Արդ զի եկեղեցեաց մերոց հոգաբարձու բարոխքն (Ժողովրդապետք) ի բաց թողեալք զայլ Մաշտոցս՝ այսու միայն, զոր մեք արհիական հեղինակութեամբ մերով առփորձեցաք և հաստատեցաք, այսուհետեւ վարեցին. զխեղճ մտաց նոցին ծանրացուցանելով պարտաւորեմք։ Գրեցաւ յարհիական պալատն մեր ի Լէօբօլիս, յամի Տեառն 1728, յապրիլի ամսոյ ԺԵ։ — [Ի Հառվմ]։

1728.

Բարոյական Աստուածաբանութիւն Ստեփանոսի Ստեփանեան Ռօշքայ, սրբազանի աստուածաբանութեան վարդապետի Կամէնցացւոյ, ըստ գերիմաստ վարդապետացն հարազատ իմացուածոցն, հանդերձ դիպուածոցն մեկնութեամբ համառօտեալ ի Աղանիսլաւօվ. յամի Տեառն 1728, և Հայոց ՌՃՀԷ։ [Ի Հառվմ]։

1730.

Ես Տէր Սարգիս ի գավառէս Եկեղեաց յարեւելեան գուղն Տիրանաշէնու, որ եմ որդի Տէր Սահակի կրկ? ծառայ Տէր Ներսէս վարդապետի մեծին հար... Հայոց ՌՃՀԹ, գնեցի Ֆօշան պիտանի Կանոնաց զիրքս, որ է խրատ քրիստոնէից, և է անհաւատից. Տէր քաղցրացուցանէ սիրտ անդարցից և փորձ ի մեղաց. եկաւ քո ոտաց կոխ և անպիտան լոկ անուն կոչեցեալ Տէր Սարգիս, և է մեղօք շաղախեալ։ Տէր Յիսուս բարձցէ սիրտ քարեղէն, տասցէ սիրտ մարմնեղէն. որ երկիւղիմ այն օրէն՝ որ համար յուզէ յինէն. Տէր Յիսուս, ամենայն հաւատացեալք դարձո ի մեղաց. և արաքոյին սուրբ երեսի տեսութեանն (արժանի). ամէն։ — Թվին Հայոց ՌՁԸին.